

四庫全書存目叢書編纂委員會編

齊魯書社

四庫全書存目叢書

史部
第四四冊

責任編輯：孫言誠 賀 偉

ISBN 7-5333-0535-3



2387/02

四庫全書存目叢書·史部四四

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍印刷廠印製

787×1092 毫米 16 開本 50.5 印張

1996 年 8 月第 1 版 1996 年 8 月第 1 次印刷

印數 1-100

ISBN 7-5333-0535-3

Z·37 史部定價：87600 圓

史部第四四冊目次

史部·雜史類

左逸一卷短長一卷

〔明〕蔣謹輯

遼寧省圖書館藏明崇禎五年蔣世枋刻本

戰國策譚概十卷附錄一卷

〔宋〕鮑彪校註

〔元〕吳師道重校

〔明〕張文燿集評

附錄 張文燿輯

天津圖書館藏明萬曆刻本

七雄策纂八卷

〔明〕穆文熙輯

南京圖書館藏明萬曆十六年陳禹謨刻本

戰國策去毒二卷附編年一卷

〔清〕陸隴其輯

上海圖書館藏清康熙三十三年三魚堂刻本

靖康孤臣泣血錄二卷

題〔宋〕丁特起撰

故宮博物院圖書館藏明萬曆三十四年張豫誠刻本

靖康蒙塵錄一卷附建炎復辟錄一卷

不著撰者

蘇州市圖書館藏清鈔本

靖康紀聞拾遺一卷

不著撰者

北京圖書館藏明鈔靖康紀聞附

..... 一

..... 九

..... 三六七

..... 五一二

..... 六〇四

..... 六五六

..... 六八一

北狩行錄一卷

題〔宋〕蔡條撰
蘇州市圖書館藏清初徐鉉家鈔本

六八七

靖炎兩朝見聞錄二卷

〔宋〕陳東撰

北京大學圖書館藏清光緒巴陵方氏廣東刻宣統元年印碧琳琅館叢書本

六九四

建炎維揚遺錄一卷

〔宋〕□□撰

清華大學圖書館藏清嘉慶十年虞山張氏照曠閣刻學津討原本

七四一

建炎復辟記一卷

不著撰者

北京圖書館藏明姚咨鈔本

七四七

南渡錄一卷

題〔宋〕辛棄疾撰

復旦大學圖書館藏清胡可大鈔徽欽遺事本

七六五

竊憤錄一卷續錄一卷

題〔宋〕辛棄疾撰

蘇州市圖書館藏清初徐鉉家鈔本

七八七

左逸一卷短長一卷

〔明〕蔣謹輯

遼寧省圖書館藏明崇禎五年蔣世枋刻本

附《四庫全書總目·左逸一卷

短長一卷》提要

左逸短長小引

二帙為予先大夫所手錄貯之篋中者幾四十季矣其書未詳作者誰氏并序嶧陽齊楚二說者亦不知為何許人也其曰左萊逸文曰偏撰以託明眼者當自辨之余無贅也惟是紀事用意筆法適古文恐非秦漢以下所堪道隻字

引

者益亦逸周書竹書紀季者流爾嗟：先人錄此意固有在茲幸遺弓未墜手澤如新繼令終秘帳中迨克蠹啗何如質諸好古徐誼定評要知周書竹紀之外別有麟傳國策之遺庶讀者不概視為疑筆乎廼命梓人爰授之簡壬申巳月既望叔方子顯于飲香寮



左逸

延陵 蔣 謹手次

子世枋重訂

嶧陽之梧。爨樵者窮其根。獲石篋焉。以為伏藏物也。出之。有竹筒漆書古文。即左氏傳讀之中。有小牴牾者。凡三則。今得而錄之。或曰。其指正。匹非左氏指也。或曰。秦漢人所傳而托也。余不能辯。聊以辭而已。

左逸

齊侯伐宋。圍緡。討其不與盟於齊也。則子曰。不可。棄恩不仁。乘弱不義。昔五孽爭亂。君實不勝。挫越於外。宋君無忘先君。而率諸侯以靖我。陪危。救寧。撫有東國。君寔不能。光昭先君之令德。嗣主齊盟。夾輔王室。而啓戎夏之長心。以力競响。昔我先君之有討於荆也。我握其臂。宋持其指。君今伐宋。楚為之勁。我為之掎。不佞唯宋。不以軌逆。而遣一介之使。來勞曰。寡君辱不。善師中。楚以為大國。羞君。屈玉趾。跋履敝郊。庶

幾念獻之微。而修先桓公業。用還集我乎。將無庶辭以困行人。公不聽。君子以是知齊德之不競也。

王受魯侯穀玉。為衛請。晉侯曰。昔越我先王。二叔不咸。夾燭亡燼。維我伯考周公。大振文武之業。僂管蔡以靖王室。施於九夷。率從。余一人不德。不能輯寧宗族。厥有衛鄭。棄盟府之好。而有二心。以服事荆。寔賴我伯父丕揚周公之烈。剪劉荆人。伏竄箝棘。聲鄭之罪。歸於京師。告用於廟。余小子罔敢恫怨。法亦罔敢

左逸

二

赦魯之宗臣。以故職。請曰。蔡叔怨艾。改行。周公寔復封之。傳國至今。予弗敢專。鄭在深室。祖寒越暑。冥於昏旦。曰。康叔之德。只以三食。食其速誅之。以比於鮮。唯伯父稍薄。其從蔡而復之。亦唯伯父。晉侯稽首曰。君王幸赦衛鄭。以輯全衛。重耳之願也。敢不唯命。晉侯使呂相。絕秦。云云。秦伯使大夫咸。差報曰。君修怨於敝邑。而儼然勞諸侯之御。又辱先命之寡君。無所逃罪。不腆敝賦。詰朝相見也。唯是二三臣。受事於

先君之老。不敢匿。敬布腹心。昔我穆公。念獻公婚媾之好。以內惠公。許遺我列城五。朝濟夕設。版焉。穆公如志。輸粟自雍。及絳。相屬。秦饑。晉閉之糴。我穆公豈敢以施責。唯妖夢是踐。于是乎有韓之師。天棄惠公。以兵見也。穆公解繯而饋之牽。俾復有晉國。是我再造於惠也。惠公卽世。唯是。公亡人繫繫。我穆公懼甲冑。以從晉之卿大夫。呂卻之難。文公潛黨其國。戡而後返。寢門空皇。寔唯我紀綱之僕。是我又再造於

左述

三

文也。屢夏商周之胤。謂穆公之無利晉而從席之。是以來朝。則豈敢忘晉德。我穆公師河上。約納王。文公詐而卻師。陽莢温。原攢茅之田。晉寔拔之。如無穆公。城濮之役。秦之龍盾虎帳。悉具輔行。晉是以大破楚。鄭棄叔詹之命。文公以私討。豈其辱秦之疆場。而誣我先君穆公之終怒鄭。則文之爲也。超乘三百。母毫髮之累。侯人。襄公煢然。背文公之好。不以饋館逆。而以兵掩。使我骨暴嶠函之間。我是以有王官之師。

公之事三君。皆不克終。豈在秦。襄公卽世。諸大夫來言曰。請立公子雍。治命也。一二耆老謂我康公母爲晉德。晉以怨報。康公思纂穆公之故。披星戴炎。以赴晉。諸大夫利勿君而陰敗盟。我是以有今狐之師。使我康公寔愧於一二耆老。晉又乘我康公之幼。而微自狄。踐我塲苗。鹵刷我人民。猶夷我城隍。屬先君景公有膏肓之急。顛醫於我寡君。寡君齋穆公三日。而遣綬也。曰。其疆場之吏不能布大好。君則何怨。穆

左述

四

公之享於鈞天。爲晉君請甥舅哉。君立而寡君喜可知也。庶其赦我乎。君又裹甲於河東。而誘盟我寡君。是以不能涉河。猶命顛奉。歃血在口。而勞諸侯之成師。以臨寡君。君來言曰。白社而仇也。以而之賜命。討而有二心於狄。曰。晉將伐女。狄旣余仇。將以間止君師也。君信之。楚爲封豕長蛇。欲敝晉於闕我肆其浮詛。君又信之。抑君以爲兵端。旣不獲受命矣。敢告文襄靈。景唯晉四君。狎主齊盟。惠逮來裔。誰之功也。

且君稱理以藩王室。無受此處疑有闕文晉維京南辱卻不報坐齊。以譏執事甚輕甘心焉。使之盡東其畝。君唯力是競。而獨辭我寡君。寡君敬受辭。剪棘夷道。以延君之軌。車唯命。五月丁亥。晉師以諸侯之師。及秦師戰于麻隧。秦師敗績。

左氏世多評輯而此帙中不多見也。卽先大夫別選左纂左抄俱屬手錄者。茲亦不欲贅刻。但刻此以向世云。

左逸

五

短長 戰國策逸

延陵 蔣 謹手次

子世枋重訂

耕於齊之野者。地墳。得大篆竹冊一。裘曰短長。其文無是取。共重。則時時與史牴牾。云按劉向敘戰國策。一名國事。一名短長。一名長書。一名修書。所謂短長者。豈戰國逸策歟。然多載秦及漢祕事。意亦文景之世。好奇之士。假托以撰者。

短長

余怪其往往稱羸項。薄炎德。誕而不理。姑錄之。以佐裨官一種。凡三則。

穰侯克相國。就封陶。出關。門吏閱其輜重。千有餘乘。聞之。昭王。王按劍而怒。曰。五三。四十年。不爲王。而爲穰侯。穰侯相三十年。不爲秦。而爲穰也。籍太后朽骨。何過乎。必侈而室之。武安君恐。使其客說曰。大王亦知五霸之所以遂否乎。曰。不知也。齊桓晉文。霸而遂。宋襄。霸而否者。非桓文之獨工。而宋襄之獨拙也。其

行事謀筭等耳。齊晉強而宋弱也。齊晉之所以強者何也。齊之所強。非始桓而勁也。釐襄之世。東盡囑夷而巳之。西略濟上之十二諸侯。而舉其半。晉亦非始文而勁也。獻公爲之滅虞滅虢。滅魏滅耿。滅東山之狄。以大啓曲沃。而後文公因之。宋襄之地。不加闢於微。封而兵不益於股遺也。然則爲晉獻齊釐襄之所遺者難。而爲桓文因者易也。今大王信客卿以越韓魏而攻齊爲穰侯罪。夫穰侯之所罪者一耳。大王一

短長

愛魏。則穰侯爲大王拔河內城大小。芒卯。馘暴。入北宅。圍大梁。立責其河東地方四百里。連拔三縣。再憂韓魏。則穰侯爲武安君將。而南首二十四萬。擒公孫喜。三夏韓魏趙。則穰侯爲殲其衆華陽。下鹵首十萬。取卷蔡陽長社觀洋。以東臨齊而齊服。其最憂楚。則穰侯之所舉武安君。輕騎而拔鄢郢。明年拔郢。燒夷陵。遂京至竟陵。舉宛葉。楚不能軍而竄。陳以不振。穰侯相而趙楚韓魏各割其半。以肥秦。秦

之所爲秦者三。而後客卿得人策也。夫客卿之所爲秘者。曰遠交而近攻。而其在魏。何不令魏近攻秦。而其爲齊謀。何不令近攻楚趙。而遠交秦也。故夫穰侯之所爲遺者難也。且夫秦入楚楚之珍寶。藹革悉以富咸陽。而穰侯於其齒也。秦王色沮久之。曰吾非爲穰侯失策也。爲秦之有穰侯。而無寡人也。客曰。惟然有之。元二之際。蒙君疾用事。惑后內主。而廢長壯。方輒時有主。而無穰侯。王得稱有王乎。何以至今日哉。

短長

三

王曰。客休矣。吾方慰之。穰侯乃得良死。荆卿爲燕方子使將入關。寒泉子見白虹之貫日也。詫起曰。此必有諸侯謀秦二者乎。據嶠渭之衝。百侯之蒸車四乘。寒泉子視其使。貌沈深叵測也。其副悍目哆口怒。而面白。此骨勇者。曰。是爲謀秦王者哉。李何拔肉虎狼之口。而怨社稷也。舍定。間行往謁荆卿。曰。客何所繇事。曰。故邑王之孽臣。月聞秦王有意督過之。不勝恐懼。以王之欲地。誓言獻。願世世稱比藩。

築宮比於臣妾。不識秦王亦肯李救燕否。寒泉子曰：此非虞野人所任也。雖然，試爲子籌策之。十一。夫秦豺凶也。其君臣日夜東嚮而思食諸侯王十世矣。今業已吞二周，揜三晉，郡縣之兵，且莫度易水。太子爲欲地之足以飽秦王，而讐首之足悅乎？得燕欲地，焉往得太子讐首焉？往爲太子計者，不過曰：吾遣擊西事秦，秦王幸而見之，以其間爲曹沫所爲，反諸侯侵地，大善則不可，因而刺殺之。秦內急，王而外寬，諸侯

短長

四

以延呼吸之命。此大非也。幸而計遂爲曹沫，要盟而許之，釋盟而不食言，此五伯之事也。非所以語於反覆秦也。以速加燕，計遂以君王秦之易王也。如反掌而用兵如勝，鬼兵必速加燕，以不遂而生語泄，秦王之譏然怒也。兵又速加燕，而社稷墟，燕之子孫之無應類也。授秦以名而快其忿，鈎其蠶毒，其吻荆卿，踞曰：不敢。先生幸終教，曰：母也。子行而獻欲地，讐首秦王，必斬。悅悅而子說之，以寬燕而伐桀，楚必

從。秦兵發，子馳而歸報太子，以黃金寶，購齊使，悉國兵尾其後，約楚而夾擊之，以重金寶購匈奴，悉胡騎五萬，躡其西北，以重金寶，徇三晉之亡臣大夫，而悉燕兵數十萬，壓之，必群起而嚮應。夫秦重兵掣於外，而內空虛，四扞不逮，驟發於不虞之燕，其亡秦必矣。子爲盜俠而貨燕之社稷，何所非死乎？荆卿拜而請曰：先生之言，金百也。請毋泄也。旣別，謂秦舞陽曰：吾非不知彼之謀，以曠日持久，則不能也。吾以劫許太

短長

五

子而信之，是吾愛身廢法也。吾且行矣。西楚霸王使司馬奉書，漢之諸王，列侯，大將，護軍中尉，平正人吏，漢王劉季，奸回不道，倍詛棄父，醜泆殺賢，以干天罰，惟我兩軍，迫于殘，不以好見，敢布腹心。昔我武信君，有討於薛，季寔帥群盜，而請行，受錫虎賁五千，驥將十人，以爲季紀綱之僕。寡人迅掃河北，退劉全師，季得抵間，以入峭函之險，蹈空解理，兵刃不血，伊誰之故。季遂豐寡人，以好，而三軍莫不

帝一介之使。逆閉不內。寡人以爲討。寧搖其尾。寡人寬之弗誅。念厥功。剪茅壓紐。王有巴漢。惟是故。齋勞臣。以分天下。寡人亡所利焉。庶幾與諸侯。王息肩。季復潛兵布謀。以盜三秦。強劫五國。裹刃嚮德。飭符浮。憐汗。鱗寡人。黃誓其丁。羸秦。每屠割寰宇。十世之。殤。奮其武怒。甘心於報。新卒之役。雖寡人先之。寔諸侯。王。吏民意也。秦鑿元元之膏。以建阿房。示萬世。後。寡人。有憂焉。六王之宮。厥亦有孫子。臣。上。瘳胸疾首。

短長

六

營爲烈。父秦獲六王。良者餓死。敢忘子嬰之慘。惟義帝之暴終。以待衛不虔。爲寡人罪。君其問諸水濱。抑聞之。季也。出蜀而東。窺關。高豈已大故耶。季又登。謂。周。王。命。以。牽。我。於。齊。而。入。我。彭。城。寡。人。不。獲。已。適。有。泗。水。之。役。季。不。習。於。戰。大。棄。其。師。寡。人。寬。之。引。追。遂。文。跳。劫。老。弱。張。兵。威。而。窺。我。寡。人。不。獲。已。適。有。崇。陽。之。役。季。又。不。習。守。大。棄。其。師。寡。人。寬。之。弗。追。又。揜。奪。我。同。盟。挑。誘。我。與。國。離。我。將。心。爲。是。

爲。寡。人。欲。有。肆。焉。爲。先。武。信。之。故。與。諸。侯。王。大。夫。吏。之。不。寧。季。幸。且。赦。寡。人。久。改。易。也。盟。季。父。而。歸。之。物。曰。鴻。溝。以。西。爲。漢。以。東。爲。楚。季。踴。躍。稱。報。世。世。臣。季。履。后。土。而。戴。皇。天。皇。天。后。上。寧。聞。言。餘。腥。在。齒。復。謬。聽。一。二。儉。士。孫。其。因。陵。矢。鏃。未。交。烏。潰。毀。今。者。復。誘。齊。王。武。王。趙。王。梁。相。國。以。上。兵。金。帛。而。蠲。楚。日。得。楚。與。天。下。共。之。諸。侯。王。自。視。與。季。父。孰。親。伍。漢。而。伐。人。國。與。活。季。父。孰。德。季。已。滅。寡。人。德。

短長

七

季父如顧其何有于諸侯王也。寡人甲雖敵。足以一奮。諸侯王所習。鉅鹿彭城事者。斬季降楚。請以關中事之。世世鄰好。與天無極。季能革心。自悔。竄還。封。寡人亦無所恨。

左逸一卷短長一卷兩江總督採進本

是書凡左傳逸文三則戰國策逸文三則各有小引前稱嶧陽樵者獲石篋得竹簡漆書古文左傳讀之中有小牴牾三余得而錄之或謂秦漢人所傳而託也余不能辨後稱耕於齊野者地墳得大篆竹冊一表曰短長劉向敘戰國策一名短長所謂短長者豈戰國逸策歟然多載秦及漢初事意文景之世好奇之士僞托以撰前題延陵蔣謹手次及子世枋重訂又冠以世枋序稱二帙爲其先人手錄貯篋中者四十年未詳作者誰氏并所序嶧陽齊野二說亦不知何人惟是紀事用意筆法迥古非秦漢以下所能道隻字云云漆書竹簡豈能閱二千年而不毀其僞殊不足辨也

戰國策譚概十卷附錄一卷

〔宋〕鮑彪校註 〔元〕吳師道重校

〔明〕張文燿集評 附錄 張文燿輯

天津圖書館藏明萬曆刻本

附《四庫全書總目·戰國策談

概十卷》提要

戰國策譚概序

戰國策不知何人所述其地則自兩周而終宋其人則自周安而終秦始皇其事與文則雜出諸名卿游士之屬太史公目其成資以編史記之十二而其書故隸漢秘閣劉向稍較定為三十三篇鮑

序

一

陶

彪合之為十卷彪復與高誘各為之訓故而吳師道衷焉其用至于今而猶有未哲者仁和張維昇氏治鉛塹之業者屢世矣於它書自謂雞肋而獨此策不減杜征南即必證之古而反之心有一字不安不已也蓋書成而諸揚扞之精

者皆傳之名之曰戰國策譚椒問序于
不佞不佞嘗習諸儒先言天下之亂至
于戰國極矣王畿之大蠶食之使不能
當一小郡而千八百之君併而為七其
民日尋於干戈其俗有壯而無老有喪
而無葬者十餘世矣朝而六從暮而秦

序

二

衡小則市官大乃市國力用於陽智用
于陰巧之極至于易姓而人不知鷙毒
之所發身滅而猶能快其恨即小有可
稱述者不過市魁盜俠之馭為仁義者
耳今天下稱極治至安歛手而承一帝
者凡十餘代闡詩書衿裾禮樂稱唐

虞服周孔蓋不獨齊魯為然使老子居
之尚猶以不獲覩淳古為恨而安用此
押闔揣摩之書為維昇氏之治之繇皇
考而上迨王父三世益精將無好其文
辭而已夫文辭之益于時至淺也然
而未可概論且諸儒先之所推譚理而

序

三

雄者孰有過于孟子興者孰其次則孫
卿第令儀秦代厲犀首之徒鼓頰而譚
天德王道為其自衷發之其快口當心
將必有甚焉者幸而利害之工深入于
中主之耳以顯於一時不幸而與中主
合出其恣睢簧鼓之技而貽譏于天下

後世則非其才之罪也且夫叙事者之
有戰國策其于太史公昆季也左氏則
匹敵也是三君子者而產于殷周之際
當左右史之職興衰治亂之所以然與
皇王心跡之微必能委曲貌擬使人躍
然而興感何至寥寥迨今嗟乎此非諸

序

四

儒先所與晚也諸收譚楸者左袒于茲
策者也維晁氏三世則又左袒于譚楸
者也是故不辭而序之知我罪我我安
與哉

吳郡王世貞撰



仁和後學柴應楠敬書

戰國策譚楸叙

錢唐田藝蘅曰垂衣禪祚之世不常有
典謨訓告之文不常作故詩亡而春秋
興左右史散而戰國策行矣蓋文章也
氣運也恒相為經權者世極治則經以
顯蘊而創百代之鴻猷世極亂則權以

序

乙

脩辭而濟一時之劇務際皇王之盛而
欲為從橫闔關之策不敢也膺戰爭之
衝而欲為典謨訓告之文不能也何以
故時有所不宜而勢有所不迫也孔子
於春秋孟子於戰國曷嘗不雅譚王道
哉顧歷說即不入所如即不合辟諸飭

章甫逢掖以救焚溺之危需大羹玄酒以活饑渴之萃吾見其隨盡而趣斃耳非章逢大玄之不可也用之非其時投之非其會也即欲以無為俎豆之譚井田築鑿之策而解倉皇倒縣之民悟奔走錢端之主烏可得哉舉世學士解度

序

二

惠審勢率以王術而律戰國之策政所謂挾天子以令諸侯者無足多譚也已挾天子以令諸侯者名之曰梟伯挾六經以令戰國策者命之曰梟儒通乎此而後可以譚茲策也仁和張氏自主政公與先兩大夫同舉於鄉而不佞竊為

交感者已四世矣維昇之皇大父又嘗同事泓穎故雅知其世受孔孟之業而善為蘇張之譚者至維昇而益善之迺集今昔最善為譚者藪而成極以備是家之闕以立一家之言茲譚極之所由著也若夫較補正之異同識地里之沿

序

三

革則於茲策有赤幟焉是則維昇之所以益善為譚者與且維昇少長垂衣之世而故善為戰國之譚則文之昌而運之隆也不益徵矣乎若蘅麟極捫蝨人也玉塵室撫天口奚補又烏足以溷百家之美譚